

UNIVERZITET U SARAJEVU

- SENAT -

Broj: 01-38-445/14

Sarajevo, 12. 02. 2014. godine

ZAPISNIK SA VANREDNE SJEDNICE SENATA ODRŽANE 12. 02. 2014. GODINE

Prisutni članovi Senata: prof. dr. Muharem Avdispahić, rektor, prof. dr. Zehra Kreho, prof. dr. Dženan Đonlagić, prof. dr. Ugo Vlasisavljević i prof. dr. Faruk Mekić, prorektori, Samir Arnautović, student-prorektor, prof. Marina Finci, prof. Pjer Žalica, doc. dr. Dženana Bijedić (po ovlaštenju), prof. dr. Željko Šain, prof. dr. Narcis Behlilović, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Ifet Mahmutović (po ovlaštenju), prof. dr. Emira Švraka (po ovlaštenju), prof. dr. Davorica Završnik, prof. dr. Salih Fočo, prof. dr. Mustafa Hrasnica, prof. dr. Ejub Džaferović, prof. dr. Senija Rašić (po ovlaštenju), prof. Mirjana Papić-Hrkaš, prof. dr. Uzeir Bavčić, prof. dr. Mirsad Kurtović, prof. dr. Hajrija Sijerčić-Čolić, prof. dr. Rifat Škrijelj, prof. dr. Mirza Dautbašić, prof. dr. Nihad Fejzić, prof. dr. Munib Tahirović, dr. Darko Tomašević (po ovlaštenju), prof. dr. Kasim Bajrović, prof. dr. Smail Čekić, prof. dr. Husnija Kamberović, dr. Behija Zlatar, dr. Alen Kalajdzija (po ovlaštenju), Ahmed Nurković, predsjednik SPUS-a i predstavnik SPUS-a u Grupaciji društvenih nauka, Bekir Rovčanin (predstavnik SPUS-a u Grupaciji medicinskih nauka), Omar Kapetanović (predstavnik SPUS-a u Grupaciji tehničkih nauka), Ismir Smajić (predstavnik SPUS-a u Grupaciji prirodno-matematičkih i biotehničkih nauka).

Ostali prisutni: dr. Mevludin Mekić, predsjednik Upravnog odbora Univerziteta u Sarajevu, prof. Amela Hadžimejlić-Kečo, dekan Akademije likovnih umjetnosti, prof. dr. Ivan Čavlović, dekan Muzičke akademije.

Odsutni: prof. dr. Samir Čaušević, prof. dr. Sead Redžepagić, Amar Avdić (predstavnik SPUS-a u Grupaciji humanističkih nauka), Esma Sulejmanagić (predstavnik SPUS-a u Grupaciji umjetnosti), članovi.

Zasjedanje je počelo u 13,00 sati.

Predsjedavao je rektor prof. dr. Muharem Avdispahić, na čiji je prijedlog usvojen sljedeći

DNEVNI RED

1. Aktuelna zbivanja u Bosni i Hercegovini i uloga Univerziteta

TOK SJEDNICE

Ad-1.

Povodom razmatranja aktuelnih zbivanja u Bosni i Hercegovini i uloge Univerziteta vođena je diskusija u kojoj su učestvovali: prof. dr. Muharem Avdispahić, prof. dr. Salih Fočo, prof. Pjer Žalica, prof. dr. Uzeir Bavčić, prof. dr. Ivan Čavlović, prof. dr. Rifat Škrijelj, prof. dr. Ifet Mahmutović, prof. dr. Nihad Fejzić, prof. dr. Šaćir Filandra, prof. dr. Narcis Behlilović, prof. dr. Smail Čekić, Ahmed Nurković, prof. dr. Husnija Kamberović, prof. dr. Željko Šain, prof. dr. Ugo Vlaisavljević, prof. dr. Dženan Đonlagić, dr. Mevludin Mekić.

Članovi Senata su konstatirali sljedeće:

I

Univerzitet u Sarajevu je snažno opredijeljen za evropsku budućnost Bosne i Hercegovine.

Strateško opredjeljenje programa rada i razvoja Univerziteta u Sarajevu je osposobljavanje Univerziteta za puninu uloge i odgovornosti koju vodeći univerziteti imaju u zemljama razvijene demokratije.

Protesti širom bosanskohercegovačkih gradova ozbiljna su opomena političkim strankama da su svojim djelovanjem stvorile nepojmljiv jaz između onog što jest društvena i ekonomska stvarnost, sa jedne, i onog što je partijska percepcija te stvarnosti, sa druge strane.

Senat Univerziteta ističe neophodnost širokog angažmana na reafirmaciji principa društvene pravde, solidarnosti i jednakosti šanse, te principa znanja i sposobnosti kao osnove za društvenu promociju pojedinca.

Univerzitet očekuje da se iz ovih protesta izvuku pouke koje će doprinijeti da se pri rješavanju problema demokratskim sredstvima kroz institucije otvore perspektive društvene obnove. Univerzitet je spreman svim svojim kapacitetima doprinositi toj obnovi.

Konkretni koraci poduzeti u pravcu približavanja evropskom prostoru visokog obrazovanja:

1. reafirmiran je princip institucionalne autonomije. Uprkos svim političkim pritiscima Senat je izabrao za rektora osobu koja nikad nije bila član nijedne partije, nijednog upravnog niti nadzornog odbora. I Senat je istrajao u tom izboru;
2. nakon pet i po godina kašnjenja donesen je Statut Univerziteta kao najviši autonomni akt;
3. dekane biraju nastavno-naučna vijeća fakulteta i akademija, bez pribavljanja bilo kakvih saglasnosti van akademske zajednice;
4. omogućena je zastupljenost studenata u svim procesima odlučivanja kroz Senat, Upravni odbor, Rektorat;

5. integriranjem naučnoistraživačkih instituta reafirmirana je neodvojivost visokog obrazovanja i istraživanja.

Vrijednosti Univerziteta su nadstranačke. Univerzitet pri tom poštuje pluralnost političkih opredjeljenja nastavnika, saradnika, studenata i zaposlenika u njihovom društvenom djelovanju.

Senat ističe značaj uvažavanja i unapređenja institucija koje su u modernim društvima pretpostavka za zajedničku odbranu slobode i dostojanstva.

II

Preporuka je svim fakultetima i akademijama Univerziteta u Sarajevu da se podigne nivo zaštite imovine i osigura nepovredivost prostora Univerziteta i njegovih organizacionih jedinica u skladu sa Zakonom o visokom obrazovanju i Statutom Univerziteta u Sarajevu.

Nastava na Univerzitetu u Sarajevu će započeti 17. 02. 2014. godine, kako je predviđeno Kalendarom organizacije i realizacije studijskih programa na Univerzitetu u Sarajevu u studijskoj 2013/2014. godini. Sindikat Univerziteta u Sarajevu odgodio je održavanje najavljenog štrajka.

Rektorat će zajedno sa Upravnim odborom Univerziteta u Sarajevu nastojati da putem Vlade Kantona Sarajevo, Ministarstva finansija Kantona Sarajevo i Ministarstva za obrazovanje, nauku i mlade Kantona Sarajevo osigura isplate mjesečnih tranši/dotacija iz Budžeta Kantona Sarajevo za oblast visokog obrazovanja i nauke za januar 2014. godine i to u najkraćem vremenskom roku.

III

Ukoliko dođe do nenajavljenog i neodobrenog održavanja skupa građana (12. 02. 2014. godine u 17,30 sati) u prostoru koji je Univerzitet u Sarajevu iznajmio Studentskom eFM radiju, u Kampusu Univerziteta, odgovornost snose organizatori skupa.

Sjednica je završena u 15,30 sati.

Rektor

Prof. dr. Muharem Avdispahić

Zapisničar:

Alma Voloder-Madacki